

IBIYANYE N'AMATIKE AHABWA ABANYESHURI BIGA MU MAHANGA

- a) Umunyeshuri ahabwa tike imugeza aho aziga iyo yahawe Buruse akaba yarasinze amasezerano yerekana igihe agomba gutangirira amashuri.
- b) Umunyeshuri ahabwa kandi tike yo kuza gukora stage cyangwa ubushakashatsi mu Rwanda no gusubira aho yiga iyo byateganijwe mbere y'igihe bikaba bigaragara mu masezerano amwe n'amwe agenga imyigire y'abanyeshuri ateganyijwe hagati ya Minisitiri y'Uburezi n'ibihugu cyangwa imiryango kandi bikaba bigaragara mu masezerano umunyeshuri akorana na SFAR mbere yuko ajya kwiga.
- c) Nanone umunyeshuri ashobora guhabwa tike iyo ayisabye mu gihe yapfushije uwobashakanye, umwana we cyangwa umubyeyi bemewe n'amategeko.
- d) Uretse igihe habaye ibivugwa mu ngingo iri haruguru (c), umunyeshuri atanga iminsi itari muni ya makumyabiri n'umwe (21) mbere y'igihe ateganyiriza gutaha cyangwa kujya kwiga kugirango tike ishobore gutegurwa.
- e) Umunyeshuri urangije amashuri afite uburenganzira bwo guhabwa tike imucyura iyo itararenza amezi atatu (3) arangije amashuri yigaga. Utazasaba tike yo ku mucyura muri icyo gihe cy'amezi 3 nta burenganzira azaba agifite kuri tike.
- f) Tike ihabwa umunyeshuri wenyine iyo agiye gutangira amashuri. Nanone ahabwa tike imucyura mu Rwanda arangije amashuri ndetse n'iy'umwana yabyaye mu gihe yari acyiga. Ntawundi muntu umubarirwaho wemerewe guhabwa tike.
- g) Gusaba tike bikorwa mu nyandiko hakoreshejwe email, fax cyangwa ibaruwa yanditswe mu buryo busanzwe igaragaza neza italiki n'ukwezi n'umwaka umunyeshuri ashaka kugendera cyangwa ku garukira n'ikibuga cy'indege azahagurukiraho. Ntabwo ubusabwa bwa tike kuri telefone bwemewe.

Mu izina rya Komisiyo ya Buruse

KAYISIRE Callixte



Mu izina ry'Ubuyobozi bwa SFAR

Emmanuel MUVUNYI



Byemejwe na Minisitiri w'Uburezi

Dr. Jeanne d'Arc MUJAWAMARIYA

